

宋朝事實

宋 朝 事 實

李 攸 撰

中 華 書 局 出 版

(本書係用商務印書館“國學基本叢書本”原版重印)

分類：歷史

編號：26578

宋 朝 事 實

定價(7) 一元二角

撰 者： 李 攸
出版者： 中華書局股份有限公司
北京東總布胡同五七號
印刷者： 東 南 印 書 館
上海新聞路566弄24號
總經售： 新 華 書 店

55.6, 商務型, 168頁, 179千字; 787×1092, 1/32開, 10—1/2印張
1955年6月第一版上海第一次印刷 印數(滬)1—2,500

(上海市書刊出版業營業許可證出零二六號)

宋朝事實目錄

卷一

祖宗世次

卷二

登極赦 紀元

卷三

詔書 聖學 御製

卷四

郊赦一

卷五

郊赦二

卷六

廟制

卷七

道釋

卷八

玉牒

公主

卷九

官職

勳臣

配享

卷十

宰執拜罷

卷十一

儀注一

卷十二

儀注二

卷十三

儀注三

卷十四

科目

樂律

歷象

卷十五

籍田

財用

卷十六

兵刑

卷十七

削平僭偽

卷十八

陸降州縣一

卷十九

陸降州縣二

卷二十

經略幽燕

宋朝事實 目錄

臣等謹案宋朝事實宋李攸撰文獻通攷作李伋傳寫誤也攸字好德陳振孫書錄解題稱其官爲承議郎而不詳其里貫惟永樂大典所載江陽譜稱攸于政和初編輯西山圖經九域志等書瀘帥孫羲叟招之書上轉一官張浚入朝約與俱以家事辭攷江陽卽瀘州屬潼川路則攸當爲瀘州人其曰張浚入朝蓋紹興四年浚自川陝宣撫使召還時也其書據江陽譜蓋上起建隆下迄宣和凡六十卷前三十卷先開于時後以餘三十卷上之以語觸秦檜寢其書不報故晁公武讀書志陳振孫書錄解題但作三十卷與譜相合而趙希弁讀書附志宋史藝文志乃俱作三十五卷今書中有紹興乾道間州縣陞降淳熙紹熙間館職員額及光寧理度四朝神御殿名殆爲後人所附益歟攸熟于掌故經靖康兵燹之後圖籍散佚獨汲汲搜輯舊聞使一代典章粲然具備其用力頗爲勤摯所載歷朝登極南郊大赦詔令太宗親製趙普碑銘西京崇福宮記景靈西宮記大晟樂記往往爲宋文鑑名臣碑傳琬琰集播芳大全文粹諸書所闕漏至其事蹟之異同年月之先後紀載之詳略尤多可與東都事略文獻通攷續通鑑長編及宋史互相參訂又如石晉路契丹十六州分代北山前山後足訂薛歐二家五代史稱山後十六州之誤周世宗兵下三關並載淤口關亦足補薛歐二史祇載瓦橋益津二關之闕當時如江少虞事實類苑錦繡萬花谷多引之宋史亦多採用其文今各書俱存猶可攷見第原本久佚惟散見于永樂大典各韻下者尙存梗概而割裂煩碎莫由攷見

其體例惟趙希弁讀書附志具載門目。今以所存者攷之。惟爵邑一門原本全佚。餘皆可以一分類編次。謹依舊目釐爲二十卷。雖未能悉復原書。而綱舉目從。咸歸條貫。亦得其十之七八矣。攸別有通今集二十卷。宋史藝文志入故事類。今佚不傳。又嘗上書秦檜。戒以居寵思危。尤爲侃侃不阿。則其人亦足重。不獨以博洽見長矣。乾隆四十一年十一月恭校上。

總纂官侍讀學士臣陸錫熊

侍講學士臣紀昀

纂修官國子監助教銜臣張義年

宋朝事實卷一

宋李攸撰

祖宗世次

僖祖諱眺

〔原註〕土了切

篠眺眺眺窈

〔原註〕大中祥符五年七月真宗謂宰相曰僖祖廟諱本上是聲近見臣僚章疏多避去聲更令兩制詳定晁迥等謂僖祖諱字從月從兆按說文曰睪而月見西方也音土了切又從肉祭肉也

土了切一作他獨切今請止從平聲又眺目不正也他弔切音義各異望不迴避奉聖旨依〔案〕四祖廟諱南宋以禱廟不避故淳熙重修文書式不載釋文互注韻略亦然攸南宋人猶載嫌名蓋以存故實耳

仕後唐歷永清文安幽

都三縣令十二月七日崩葬欽陵

〔原註〕幽州

建隆元年追尊文獻皇帝

〔案〕元年原本誤作二年今據李燾長編改正

大中祥符五年加上

文獻睿和皇帝大觀元年再加上立道肇基積德起功懿文憲武睿和至孝皇帝樂舞大善之舞冬至祀昊天上帝夏至祀皇地祇升侑后崔氏建隆元年追謚文懿翰林學士禮部侍郎竇儼議行見于外曰懿

子順祖

順祖諱珽

〔原註〕他鼎切

玎庭佺頰叮呶苴程瑁墀礙紆艇葶閉滯字鋌鯁仕歷藩鎮從事御史中丞正月

二十五日崩葬康陵

〔原註〕幽州

建隆元年追尊惠元皇帝大中祥符五年加上惠元睿明皇帝樂舞大寧之

舞上辛祈穀孟冬祭神州地祇升侑后桑氏建隆元年追諡惠明翰林學士禮部侍郎竇儼議容儀恭美曰明子翼祖

翼祖諱敬〔原註〕居慶切。竟鏡。獍。獫。噉。噉。仕歷營。薊。涿。三州刺史。周顯德中贈左驍衛上將軍。四月十二日崩。葬靖

陵。〔原註〕始曰定陵。乾興元年改卜更陵名。自國初加上四祖陵名。欽陵。康陵。定陵。並幽州。惟安陵舊在京城東南隅。及改卜葬安陵。後三陵尙未修奉。眞宗卽位。有言順祖翼祖葬保州者。詔內侍與長吏同共詢訪。又令中書門下定議。遂迎奉至京師。安于佛寺。景

德元年。將卜改葬。十月降手詔曰。康陵定陵已經迎奉。將議修崇國家事。祖宗之尊。以園陵爲大。始自開國之際。首行讖禮之文。尋建陵名。尙虛神寢。而有司懸拜章表。面述聽聞。有此二陵尙居潛苑。朕以事關宗廟。理合審詳。周詢輔弼之臣。旁采中外之議。而宰相上表。亦曰。素所聞知。與人之談。皆云。盡有據據。朕以爲更須重慎。宜廣諮詢。至于命中使以經營。委藩侯而訪察。繼觀來奏。執曰。無疑。復俾大臣再陳定議。遂有迎奉之請。用慰追遠之情。既觀會同。因從典禮。遷之梵剎。營乃山陵。今則安厝有期。儀制將舉。朕每從餘暇。常閱羣書。因覽太祖實錄。明載二陵所在。又皆不指保州。疑慮之間。夙夜增念。雖朝廷之議。延訪無嫌。而信史之文。標載有異。況陵寢之事。朝廷之儀。舉而行之。無大于此。宜令中書門下與樞密院同共詳定。聞奏。中書門下樞密院上言。伏以尊崇祖廟。務極孝思。營奉陵園。必尊典制。向者始基王業。首舉徽章。欲行四廟之儀。尋建諸陵之號。雖未崇于兆域。已備載于冊書。尙以職司。連上章表。述其聞見。頗陳懇激之言。詢以宰司。亦有僉同之議。羣論既從于採納。宸衷過務于審詳。特選使臣。仍委牧守。式資審慎。密往詢求。尋訪之間。皆有依據。數陳之際。頗謂周詳。大臣之奏如初。與人之論尤屬。矧重熙之肇啓。當大孝之不承。遂伸迎奉之儀。將行安厝之禮。陛下爰因暇日。徧閱羣書。觀信史之所標。指堊城之有異。誠如聖慮。更切參詳。事繫宗祧。尤宜重慎。臣等共議其迎到神寢。向期卜葬。卽望權停。所有二陵。伏請量加營繕。務從儉約。倍節煩勞。葬以衣冠。設其圍寢。用伸朝拜之禮。以慰尊祖之懷。徐俟辨明。別期遷奉。庶不違于古道。且願協于人情。狂瞽之言。卽期聖擇。奉詔。慶陵定陵。宜令監織宗罷修。其迎到神柩。遂以一品禮葬於河南縣爲二位。大中祥符四年正月。車駕幸汾陰。次西京。遣

知制誥議惟演。詣一品壇以香幣酒

脯祭告。每朝拜諸陵。日以少牢致祭。

〔案〕大順原本誤作大善。今據宋史樂志改正。

大雩祀。升佑。后劉氏。父正平州刺史。初追封京兆郡太夫人。建隆元年。追諡簡穆。翰

林學士禮部侍郎竇儼議。布德執義曰穆。子宣祖。

宣祖諱弘殷。〔原註〕上一字胡肱切。下一字於斤切。政和元年九月二十七日。敕宣祖皇帝廟諱下一字。民姓有犯。愆。濫。濶。廢。礮。者。今擬作商字。尙恐土庶難曉。檢准武王克商封夏后氏之後于杞。封殷之後于宋。合改殷之字爲商。愆。濫。濶。廢。礮。

濫。〔案〕宣祖廟諱上一字。嫌名。永樂大典原本缺。

仕晉爲龍捷左廂都指揮使。岳州防禦使。顯德三年。〔案〕宋史宣祖于顯德三年。督軍平揚州。累官檢校司徒。天水縣男。卒贈

武清軍節度使。原。贈武清軍節度使。七月二十六日崩。葬安陵。〔原註〕乾德元年。改卜皇堂。深五十七尺。高三十九尺。陵臺本作元年。今改正。三層。正方。下層每面長九十尺。南神門至乳臺。鵠臺皆九十

五步。乳臺高二十五尺。鵠臺增四尺。神牆高九尺五寸。周迴四百六十步。各置神門。角闕。景德初。析鞏縣。僱師。緱氏。登封。縣地。置縣曰永安。以奉陵寢。三年七月。詔曰。列聖在天。因時永感。瞻言陵域。肇建官司。咨爾朝闕之臣。仍兼宰邑之務。式嚴崇奉。用著典彝。宜以殿中丞

黃昭度。知陵臺令。兼永安縣事。置令自此始。乾德三年九月。太祖命內人安陵。送寒衣。遂爲定式。自是寒食亦往。開寶九年三月。帝親謁安陵。奠獻號勸。崇寧元年六月十四日。敕中書省尙書省。送到兵部二狀。荆湖北路轉運司狀。據鼎州申契勸本州龍陽有永安驛及永安鋪。各與陵名相犯。永安驛。合行改爲龍潭驛。永安鋪。改爲龍潭鋪。名目申候指揮。奉聖旨依如諸處更有如此者。並仰一面改正。內太

常寺供到陵名下項。永安陵。永昌陵。永熙陵。以上係永昌院。永定陵。係永定院。永昭陵。永厚陵。以上係昭孝禪院。永裕陵。永泰陵。以上係

寧神。建隆元年。追尊昭武皇帝。大中祥符五年。加上昭武睿聖皇帝。樂舞大慶之舞。大饗明堂。感生赤帝。禮院。

升侑。〔原註〕國初有司上言國家受周禪。周木德。木生火。皇朝運應火德。色尚赤。臘以戊日記赤帝為感生帝。

景靈宮天元殿奉安御容。后杜氏父爽贈中書令。周顯德

中封南陽郡太夫人。建隆元年有司請上尊號曰皇太后。

〔原註〕有司上言。伏以王者立顯親之殿。所以尊母儀。開長樂之宮。所以伸子道。稽諸歷代。實有彝章。伏惟帝母南陽郡

太夫人。象叶陰靈。功深厚載。塗山助夏。道冠于三王。文母與周。名存乎十亂。徽號未正。闕執甚焉。謹按漢書。帝祖母曰太皇太后。帝母曰皇太后。陛下膺圖寶始。孝治攸先。宜彰墜靈之祥。式表躍龍之貴。伏請上尊號曰皇太后。詔恭依。未行冊禮。

二年六月

月二日崩。諡明憲。太常少卿馮吉議。照臨四方曰明。聖善同達曰憲。乾德二年改諡昭憲。

〔原註〕二年。改卜安陵。吏部尙書張

昭。上言。伏自漢魏以來。追尊帝后。多以兩字為諡。后諡上一字。皆與帝諡上字同。國朝追尊四親廟。自翼祖而上。三廟后諡上一字。並與帝諡同。惟明憲皇后不連昭字。伏請改上尊諡曰昭憲皇后。

子太祖太宗。

太祖諱匡胤。

〔原註〕上一字去王。切下一字羊晉切。

筐。郎。匪。恆。助。涯。蹶。匪。匪。萑。蕪。頤。匪。框。閭。匪。注。軫。輶。引。剔。劍。輶。酌。敵。洧。濱。

輶。戴。及。杓。螭。榭。後唐天成二年丁亥歲二月十六日。生于西京大內甲馬營。以其日為長春節。仕周為歸

德軍節度使。

〔原註〕唐宋州。後唐改為歸德軍。帝由此受命。景德三年。升應天府。大中祥符七年。升南京。

殿前都點檢。顯德七年正月四日。受周禪。乾德元年十

一月。上尊號曰應天廣運仁聖文武至德皇帝。開寶元年十一月。加上尊號曰應天廣運聖文神武明道

至德仁孝皇帝。開寶九年十月二十日崩。太平興國二年四月十五日葬河南府鞏縣永昌陵。

〔原註〕宰臣薛居正撰陵

名太祖生于洛陽甲馬營。樂其風土。國初遣營繕宮室。有遷都之志。開寶九年。西幸郊祀。既至而宮殿宿衛者多不安處。宮中或見怪異。又霖雨彌月。芻粟不集。遂東歸。歎曰。朕生不得居此。死當葬于此。遂謁安陵。哭奠畢。更衣登闕臺西北向。慷慨涕數行。下發鳴鏞。中其所。曰。我後當葬此。

大中祥符元年。歲次戊申。十一月。戊午朔。二十七日。甲申。孝子嗣皇帝。臣某。謹再拜稽首。上言。臣聞長發其祥。流芳于商頌。克昌厥後。播美于周詩。慶以積善而綿長。祖以有功而不顯。純熙之祉。爲奕無疆。由資始于景靈。爰錫羨于來裔。是以允升岱社。祇薦牲瑄。式昭嚴配之儀。恭率追崇之典。聿隆皇運。仰屬玄猷。伏惟太祖英武聖文神德皇帝。奮武開階。膺圖構象。神機天縱。睿斷廳馳。當建極以居尊。乃卜年而垂裕。靈旗直指。革輅親征。多壘削平。中區大定。烝黎以之富壽。寰海于是混同。禮樂交修。梯航畢至。倒干戈而弗用。肅刑政以惟清。推恩雨施于萬方。發號風行于四表。成功不宰。至德無踰。時格太平。民用丕變。盡垂鴻之經制。資奕世之宏規。遺烈具存。信書攸紀。臣猥以冲眇。逮茲纂承。履大寶之尊。奉神器之重。寤寐思治。旰食忘勞。動循燕翼之謀。克致治平之化。屬兵鋒載戢。年穀順成。琛賚來庭。邊防罷警。仰昊穹之敷佑。繫宗社之儲休。景貺薦臻。寶符載錫。將仲昭報。祇事禋燔。而民庶相趨。表章狎至。願遵時邁。固請升中。勉徇輿情。用成先志。靈辰協吉。感祀允修。罄誠明之心。禱蒼黔之福。上封喬嶽。既畢于增高。歸格太宮。敢忘于尊祖。粵若應期之康濟。創業之艱難。底績之基扃。歸厚之風化。垂于不朽。可得而言。欽奉威靈。重揚徽懿。謹遣攝太尉推忠協謀同德佐理功臣金紫光祿大夫工部尙書同中書門下平章事集賢殿

大學士監修國史上柱國太原郡開國公食邑三千七百戶食實封一千八百戶臣王旦奉寶冊謹加上尊諡太祖啓運立極英武睿文神德聖功至明大孝皇帝恭惟本仁觀德宗廟載嚴致孝因心簡冊增耀在天降鑒錫祚有孚眷祐後昆永永無極謹言參知政事馮拯撰樂舞大定之舞冬至祀昊天上帝升侑

〔原註〕景祐二年太常禮院奏准今月三日詔書敕中書門下王者奉宗廟貴功德應天祀地則有侑神作主之尊書禘合食則有百世不遷之重朕以寡薄獲承天序實賴先烈詵臻治平懼不能揚祖宗之休不顯懿鑠夙夜惟念弗遑寧居恭以太祖皇帝奮淳耀之精輯樂推之俗五代屯否中華剖裂天威一覽罔不率俾夷僭黜暴皇綱再張革其桀驚納諸軌度規模宏遠詒萬世法太宗皇帝躬上聖之資乃膺繼服來閩粵復汾晉方夏一統尉候萬里興文教拔羣材思皇政經憂勞庶務惠澤漸漬浹人骨髓真宗皇帝欽明孝熙恢績鴻緒勤儉以率下哀矜以慎刑撫和三邊兵不復用民靡知役物遂其生因時昭泰遠考古章登封巡祭聲明焯燿享國多載仁恩溥博昔商周之際則長發大禘殿父配天逮於漢氏亦能尊二宗立廟樂朕甚慕之肆我藝祖之受天命建大業可謂有功矣二聖繼統重臨累洽可謂有德矣其令禮官稽按典籍辨崇配之序二祧之位中書門下審加詳閱稱朕意焉故茲詔示想宜知悉奉詔如前臣等言王者建廟祔之嚴合昭穆之綴祖一而已始受命也宗無豫數待有德也由宗而變世胄之疏戚以爲迭毀之制使後嗣雖有顯揚喪大猶不得與祖宗並列所以一統古之道也皇帝陛下躬孝治發德音永惟三后之盛烈際天接地而推奉之禮有所未稱明發悼懼圖惟厥衷使攸司得稽舊章開羣議據懿鑠闡孫謀將膺合靈心垂榮無極非臣等孤陋所能及也竊以太祖皇帝誕受寶命付畀四海鋪敦暨伐潛黜不端夷濶游之畔兼淮海之味東焚吳奧右因蜀壘湘楚閩禹請吏入朝當此之時天下之人去久潛蒙更生永年長世不聞洪業太宗皇帝敦受大業廣運大武襲天之討底定太原由是審九刑之辟藝四方之貢信賞類能重食勸功官無煩苛人無恫怨又引摯紳諸儒講道興學炳然右文與三代同風真宗皇帝乾粹日照執競惟烈重威撫和休寧北方順紀布度先天作聖遂攻夏諺稽虞巡祕牒岱宗休兵異襲翕受瑞福普浸黎元宵翹耀勳罔有不寧百度已備眷受明辟洪惟一祖二宗之烈歷考墳誥未有高焉者也昔成湯爲

商之祖。漢孝文孝武特崇兩廟。皆子孫奉承不輟。我皇伯祖經綸草昧。遂有天下。功宜爲帝者之祖。皇祖勤勞制作。皇考財成治定。德宜爲帝者之宗。三廟並萬世不遷。宣布天下。以示後世。臣等請如聖詔。至升侑上帝。哀對先烈。本之周道。克厭典禮。昔太宗親郊。奉先祖太祖配焉。逮真宗肇祀。奉太祖太宗配焉。自爾有司。不敢輕議。今二宗同躋不祧之位。則禮無異等。伏請自今以往。太祖爲定配。二宗爲迭配。稱情適事。理實無嫌。其將來皇帝親祀。伏請以三祖皆侑上。顯對越之盛。次申邇追之感。聖人之能事。羣臣之大願。此後迭配。還如前儀。昔真宗登介丘。降社首。並以太祖太宗崇配天地。此三聖皆侑之明準。其歲時常祀。則至日園丘。仲夏地祇。配以太祖。孟春祈穀。夏零祀。冬祀神州。配以太宗。孟春感生帝。配以宣祖。季秋大饗。配以真宗。伏請皆如禮便。陛下重宗祧之事。昭鑒前載。抑畏虔恭。讓而不專。故令臣等得申愚管。謹用敷啓。惟聖心裁覽。奉教恭依。

景靈宮。皇武殿。揚州建隆寺。西京會聖宮。應天院。滁州天慶觀。南京鴻慶宮。奉安御

容后賀氏。父景思。右千牛衛率府率。晉開運初來歸。周顯德中。封會稽郡夫人。生燕王德昭。魏國魯國二大長公主。顯德五年正月三日崩。建隆三年。追冊爲皇后。乾德二年。諡孝惠。陪葬安陵。〔案〕宋史。孝惠皇后。神宗時。升祔太廟。此失載。

祔祭后廟。王氏。父饒。彰德軍節度使。周顯德五年來歸。六年。賜冠帔。封琅邪郡夫人。建隆元年八月。冊爲皇后。生皇子。皇女二人。皆早世。乾德元年十二月七日崩。諡孝明。陪葬安陵。祔祭后廟。太平興國二年。升祔太祖室。宋氏。父偓。左衛上將軍。邢國公。乾德六年。入宮爲皇后。太宗卽位。號開寶皇后。太平興國二年。居西宮。雍熙四年。移東宮。至道元年四月二十八日崩。翰林學士宋白議。慈愛忘勞。曰孝。溫克令儀。曰章。升祔太祖廟。〔案〕東都事略。開寶皇后。至神宗時。升祔太祖廟。此失載。

太宗諱炅

〔原註〕古迥切

頰炯餉嬰洞頰耿昇舉蠅頰吞鑿局燥昂舊諱光義匡義

〔原註〕開寶九年十月詔官階及州縣名有與朕名下一字同者宜改與

上一字同者仍舊乃以諫議大夫爲正諫大夫通議大夫爲通奉大夫朝議大夫爲朝奉大夫承議郎爲承直郎奉議郎爲奉直郎宣議郎爲宣奉郎太平興國二年二月詔曰王者對越上天祇見九廟凡遇祭告必署名稱稽歷代之舊章貴難知而易避爰遵故事載易嘉名凡在庶寮當體茲意朕今改名炅自臨御以來除已改州縣散官職事官名號及人名外其舊名二字今後不須迴避仍令擇日奏告天地宗廟大中祥符二年六月詔曰太宗諱諱溥率咸知雖先訓之具存俾臨文而不避近觀列奏或犯二名聞之豐然載增永慕自今中外文字有與二字相連及音同者並令迴避晉天福四年己亥十月七日生于開封府浚儀縣崇德坊護聖營之官

舍以其日爲乾明節淳化三年改爲壽寧節建隆元年爲殿前都虞候睦州防禦使八月領泰寧軍節度使二月七日加同中書門下平章事開封尹乾德二年六月加中書令開寶六年九月封晉王九年十月

二十一日遂卽尊位

〔案〕太宗以開寶九年十月二十一日卽位原本誤作二月二十一日今據宋史改正

太平興國三年羣臣上尊號應運統天睿文英武

大聖至明廣孝皇帝端拱二年詔曰朕嘗覽羣書備觀前古居尊之號近代方行固非軒昊之令猷且異唐虞之舊典載惟涼德尤愧前王浮實之名非所宜稱向者羣后同詞封章見請虔懇斯至避讓無由勉從將順之心遂極尊崇之號每一念此深用慚然豈敢以謙德自私必將以古道爲法其自前所加尊號並宜省去今後四方上表只稱皇帝庶叶至公翌日宰相呂蒙正等奏事長春殿進曰陛下神功聖德輝

映古今。在于尊稱。止可增益。忽奉詔旨省去。中外無不驚駭。帝曰。至如皇帝二字。亦不可兼稱。此起自秦始。皇。後代因之不改。朕比欲復止稱王。又以諸子封王。有所妨礙。朕志先定。勿煩確奏。其後羣臣累上尊號曰。法天崇道文武皇帝。詔除文武二字外。宜依至道三年三月二十九日崩葬河南府永安縣永熙陵。

〔原註〕宰相
呂端諱陵名。

大中祥符元年。歲次戊申。十一月戊午朔。二十七日甲申。孝子嗣皇帝臣某謹再拜稽首上言。

臣聞應期受命。聖人所以致太平。卜世其昌。上帝所以祚明德。然則升中昭事。既報本于圓方。順美歸尊。當增華于簡冊。伏惟太宗神功聖德文武皇帝。元功不宰。妙用無方。若唐堯之聖神。有周公之材藝。在朱邸也。懸象集連珠之慶。紹寶歷也。長江出瑞石之文。閩越于是來同。并汾以之盪定。若乃揚庭以選士。闈館以育材。得人而致治也。集河洛之圖書。闡周孔之經籍。用文以立教也。授律以貞師。取威而禁暴。經武以定功也。審官以攷績。議獄以緩刑。信賞而慎罰也。既而講三王之禮。備六代之樂。躬肆類以享帝。尊二祖以配天。人神感通。上下交泰。和氣充塞。德澤涵濡。百靈效祥。溢圖牒之所記。九譯來貢。超載籍之所聞。然猶旰食勵精。實行慈儉。除宮室之藻飾。絕弋獵之嬉遊。省去名稱。抑罷封禪。積德深厚。垂慶綏長。俾臣薄祐。嗣膺丕錫。守位一紀。率工成懷。疊委禎符。屢惟稔歲。徇黎庶之確請。循虞夏之舊章。告成介丘。昭紀大號。奉揚前烈。傳之無窮。而陟配方。嚴鴻名未稱。敢不周爰古道。侔揣大猷。上以協神祇之心。下以伸臣